

14  
ANNIBALI ABBATI

ET

CAROLO ALBANIS  
CLEMENTIS XI.

PONT. MAX. FRATRIS FILIIS

*Seminar. Romani Convictorib.*

CAROLUS DE AQUINO FOELICIT.



U<sup>t</sup> Vestro, Cla-  
rissimi Juve-  
nes, nomen inscriberem O-

a

3

ratio

*rationem Gratulatoriam in  
Electione CLEMENTIS XI.  
Pontificis Maximi Patru  
Vestri à me Collegii Romani  
nomine habitam, ab argumen  
ti dignitate consilium capi , à  
Vestra cum Optimo Pontifice  
Sanguinis coniunctione fidu  
ciam. Accedit similitudo stu  
diorum , omnisque liberalis  
institutionis ratio in hac ipsa  
ingeniorum Palaestra. Hanc  
Ille postquã ad summam ce  
lebritatem evexit, emensis fœ  
licissimè spatiis Humanio  
rum*

*rum, Divinarumque discipli-  
narum; eiusdem gloriam no-  
vis eximia benevolentia Te-  
stimoniis prorogari voluit,  
cum Vos ad ingenuas artes,  
educationemque Vestro loco  
dignam eâdem viâ iussit eni-  
ti, ubi Ille splendidissima re-  
liquit ad omnem recordatio-  
nem futuri temporis impressa  
vestigia. Vobis autem, atque  
Reipublicæ ex animo gratu-  
lor, eas à Vobis palam exhi-  
beri significationes animi ad  
omnia excelsa nati, exculti-*

que, quæ dignissima Eorum  
sunt, qui summam expecta-  
tionem meritò sustinent tan-  
ta imitanda Virtutis. Nos  
verò Vestra ista tam excel-  
lenti laude eò maximè nomi-  
ne gaudemus vehementer,  
quòd Nobis Patruī Vestri  
Imaginem illam propè Divi-  
nam non emortuis coloribus  
obscurè adumbratam; sed in-  
genii Vestri, morumque or-  
namentis ad vivum expres-  
sam referatis. Istà enim In-  
dolis elegantia, istà morum  
sua-

*sua vitate, eximio isto Pie-*  
*tatis studio, & bonarum ar-*  
*tium ardore sic afficimur, ut*  
JOANNE FRANCISCO ALBANO  
*planè revirescente in Vobis,*  
*geminatoque perfruamur.*  
*Quos verò Fructus, quàm*  
*amplam laudum segetem à*  
*Te prasertim, ANNIBAL*  
*natu Maior, sibi spondet Res-*  
*publica, qui summà cupidi-*  
*tate, & industrià ad eas*  
*laudes contendis, quarum*  
*concentu, nexuque absolutis-*  
simo PATRUS TUUS CLE-  
MENS

MENS ostendit, nullum instru-  
mentum ad summum rerum  
Fastigium expeditius esse  
Sapientiâ? Neque enim aliud  
tibi exemplar ad imitandum  
proponis, cum tam obnixo  
animo Ecclesiæ Fastos, &  
Sacrorum Conciliorum scita  
pervolvīs; cum Juris Pru-  
dentia, ac Pontificiarum  
Săctionum cognitionē Theo-  
logia intelligentiâ, nervis-  
que corroboras; cum ad  
Gracas litteras tanta alacri-  
tate adiungis animum: Quid  
enim

*enim de Politioribus litteris  
dicā, in quibus haud ulli cer-  
tè, quàm mihi est exploratius,  
abundè à Te ingenio, atque  
sedulitate rudē Cultoris ma-  
num fuisse suppletam? Verùm  
prolixa in me humanitate be-  
nignè, amanterque præstas, ut  
omnes intelligant, Tibi facul-  
tatem fortassè meam, non cer-  
tè voluntatem, aut studium  
defuisse. Tam claris tamque  
præstantibus animi dotibus  
haud dubiè consequi posses, ut  
præcipua quadam honoris te-  
stifi-*

stificatione ab Æqualibus  
Tuis distinguereris, tametsi  
ex maximâ inter Mortales  
dignitate in Patruū Tuum  
collatâ, nulla Tibi ampli-  
tudo, quam certè summam  
esse nemo non percipit, ac-  
cessisset. Ea porrò id unice  
videtur in Te contulisse, ut  
quam antea amabant omnes,  
& amplectebantur Modestiâ,  
pudorem, facilitatem Tuam,  
nunc etiam demirèntur. E-  
quidem ab omni sensu huma-  
nitatis alienissimum eum esse  
opor-



oportet, qui tanta animi Tui  
moderatione, & equitate non  
magnopere capiatur; omni-  
busque laudum præconiis non  
prædicet, & extollat mores  
istos ad Modestiam quidem  
mirè compositos, sed qui E-  
gregias laudes Tuas in ipsa,  
quam præseferunt, demissione  
conspicere exhibeant. Ve-  
rùm, nisi me coniectura fal-  
lit, mirabitur fortasse non ne-  
mo, à me Vobis Orationem  
hanc Collegii Romani nomi-  
ne nuncupari. Cum enim  
con-

*constet , Vos ipsos Collegii  
Romani partem esse longè no-  
bilissimam , non alienum mo-  
dò , sed planè ludicrum , ac  
nugatorium videatur , ean-  
dem Orationem ab iisdem di-  
cari simul, & recipi . Verùm  
ii , quibus hæc cavillandi  
otium est , expectent , dum  
Vobis Vestra Virtus aditum  
ad graviores curas , longèque  
disiunctas aperiet ; tunc intel-  
ligent , Vos has etiam obire  
partes satis commodè potuis-  
se . Agite postremò , Clarissimi  
Ju-*

*Juvenes, & in huius Collegii  
firmissimum praesidium, in  
Reipublica spem certissimam,  
in CLEMENTIS XI. PONT.  
MAX. PATRUI VESTRI diu-  
turnum decus, & gloriam  
fœliciter adolefcite.*

IM-

**IMPRIMATUR**

**Si videbitur Reverendissimo Patri Magistro Sacri Palatii Apostolici .**

*Dominicus de Zaulis Episc. Verulanus  
Vicesg.*

---

**IMPRIMATUR**

**Fr. Cæsar Ludovicus Saminati Sac. Theol.  
Mag. & Reverendiss. P. Fr. Paulini Bernardinii Sac. Pal. Apost. Mag. Socius  
Ord. Præd.**

**ORA-**

(1)

# ORATIO.



Q UOD est in subitis,  
tristissimisq̃ue casi-  
bus usitatum, ut pri-  
mas egritudinis partes stupor  
obtineat; tum querimoniæ,  
luctus, ejulatus, vulnerati  
animi testes, aut veriùs so-  
latia subsequantur; idem no-  
bis ad optatissimos rerum e-  
ventus, & summa gaudia lon-  
gè potiori jure contingeret, si  
in hac vitæ conditione, perin-  
delæta, atque tristia crebre-  
scerent; &, quarum rerum  
causâ acerbissimę calamitates  
transversæ per omnem vitæ  
A                      partem

(11)

partem incurrunt, earum nulla aditum nobis ad sinceram lætitiā, nedum ad summam voluptatem obstrueret. Certè, ubi primum publicè innotuit, JOANNEM FRANCISCUM CARDINALEM ALBANUM, quem, in hoc Gregorianæ Palladis Athenæo, ingenii cultum capessere ante lustra non ita multa meminimus, Supremum, Maximumque Christianæ Reipublicæ Moderatorem renunciatum fuisse; hujus Licæi, cui summa scilicet à tanto olim Alumno, nunc Principe, Parente, atq; Patrono celebritas conciliatur, non tam gaudium, alacritas,

( III )

critas, gratulatio, quàm quædam abalienatio mentis lætitiâ obstupefactæ, nec satis suam felicitatem capientis, fuit. Verùm, quoniam in suspicionem angusti animi trahi posset hæc ipsa gaudii magnitudo, quæ nobis eloquendi ademerat facultatem; simul, quia nostrorum pectorum sensus, ut prodire toti non possunt, ita nec immodicâ contineri diuturnitate silentii; erumpat tandem ex me vera vox, quæ omnibus faciat testatissimum, non perire apud nos gratiam, atque memoriam beneficii, quod in potissimâ parte felicitatis ponimus,

A 2

mus,

(IV)

mus, & cujus amplitudine impellimur ad Optimū Principem supra etiam, quā valemus; sed adhuc infra, quā cupimus, efferendum. Atque utinam, quemadmodum veterum Germanorum moris fuisse accepimus, ut Diis gratias acturi in horum Templavestes inducerent linguis ubique excurrentibus scitissimè coloratas; ita me, quorum voluntatum Interpretem agere necesse est, eorum etiam omnium linguis instructum ad dicendum fas esset accedere. Quippe secus magnoperè mihi video metuendum esse, ne id negotii videar suscepisse, in  
quo



(v)

quo & argumenti dignitatem  
nullâ sim dicendi copiâ asse-  
cuturus, & ab iis, quorum vi-  
ces gero, nullam gratiam ini-  
turus. Quòd si quis hujus  
dumtaxat lectissimę Juventu-  
tis, quæ hîc ad honesta Stu-  
dia informatur, partes tueri  
me putat, næ ille de hujus  
causæ magnitudine nimis an-  
gustè cognoscit, judicatque.  
Ut enim, quod immensi esset  
operis, ab iis recensendis ab-  
stineam, qui positis in hac Pa-  
lestrâ Sapientiæ rudimentis,  
summâ partâ gloriâ, diē suum  
objerunt; ut præteream Va-  
ticani Patres Purpuratos faci-  
lè ducentos; Summos verò

A 3

Pon.

(VI)

Pontifices omnino septem ,  
quorum nunc mihi vel ipsi  
cineres quodammodò exili-  
re gaudio videntur ; Vestra  
hîc agitur causa , Vos respicit  
hæc actio , Sapientissimi Viri ,  
luminaque clarissima , quot-  
quot in hac Urbe Gentium  
Principe , cujusmodi plurium  
hîc ego præsentia cohonestor ,  
& recreor , ex his umbraculis  
ad pulverem , ad Solem , ad  
omnem promerendam clari-  
tatem nominis prodivistis .  
Video hanc nostræ qualiscû-  
que demum laudis usurpatio-  
nem perstringi facilè posse .  
Sed perfecisti , S A N C T I S S I M E  
P O N T I F E X , ut , quæ decora non  
erat

( VIJ )

erat nostri pudoris attingere ;  
possimus etiã prædicare , quia  
tua : tamque hæc nobis dicere  
finè periculo liceat , quàm de  
Te finè dedecore tacere non  
licet : ut nobis fortasse veren-  
dum sit , ne quis fiduciam po-  
tius nostram desiderandam ;  
quàm temeritatem arguen-  
dam putet . Verùm cum me  
earum rerum magnitudo cir-  
cumstet , quarum nec summa  
claritudo quantumlibet im-  
pigræ mentis aciem recipit ,  
nec copia patitur , vel maxime  
cupienti animo morem gere-  
re ; imitari mihi proposui Pla-  
netarum Principem , quem  
cum Phaëtonem filium ad

(vii)

complexus, & oscula admit-  
teret, radios coronarios priùs  
deposuisse Poëtæ communi-  
fcuntur. Non absimili planè  
consilio res à Maximo Ponti-  
fice post initum Summum  
Sacerdotium gestas, tan-  
quam imparem humanis o-  
culis lucem, aspectui Vestro  
subducam. Sinite, ut tantis-  
per ex Augustissimâ fronte,  
humerisque illa Summi ho-  
noris Insignia detraham, qui-  
bus tam ipse prægravari se,  
opprimique per singularem  
animi moderationem profite-  
tur; quàm Rempublicam  
Christianam præter modum  
extolli, atque clarescere reli-  
qui

(ix)

qui omnes intelligunt . De privato igitur , non de Principe ; de JOANNE FRANCISCO ALBANO , nō de CLEMENTE UNDECIMO institui dicere , eo tamen inter utrumque temperamento , ut in privato Principis , in JOANNE FRANCISCO ALBANO CLEMENTIS UNDECIMI illustria quædam auspicia , & plusquàm rudimenta elucescant .

Quod inter Pithagoræ præceptiones circumferri solet , ut se ab omni gerendo Magistratu Vir bonus abstineat , fugite suspicari à despectione , aut odio in Rempublicam  
ali-

( x )

aliquo, ab eodem fuisse profectum. Sic autem existimabat homo, ut in profanâ vetustate, Sapientissimus, procurationem omnem publici muneris, rem sacram, atque Divinam esse; à Diis, quorum munus esset, religiosè magis expetendam, quàm humanâ, vel ambitione, vel industriâ temerè suscipiendam: Non ita multo secus Plato Divinus, quem Virum in Charmide temperantem, in Lechete fortem, Amicitiae cultorem in Lyfide, in Philebo voluptatis hostem instituerat, eundem longo hujusmodi, laboriosoque ductu emol-  
litum

litum, atque subactum, vix demum in libris de Republica, admovit ad regimen Civitatis, quam erat ingenio, quàm exitu feliciore complexus. Agite verò, & in ipso JOANNE FRANCISCO ALBANO Sacri, Summiq̃ue Principatus, qua pertractatione nullam in rebus humanis, ut sublimiorem, ita impeditiorem esse præterit neminem, effigiem disertius explicatam, atque descriptam suspicite, quam Xenophon aliquis, aut Plato suis coloribus bonum Civem, egregium Principem adumbraverit. Cum verò ALBANUM ipsum dico, non de antiquis.

tiquissimi generis dignitate  
 sermonem habeo. Scio equi-  
 dem, gentem clariorem esse,  
 quàm ut cujusquam testimo-  
 nio illustrari desideret. Scio,  
 hìc etiam non abesse pervetu-  
 stos generis Authores, incer-  
 tosque rerum maximarum ru-  
 mores, veluti per manus tradi-  
 tos, ipsâque temporum obscu-  
 ritate clariores, quibus moris  
 est primordia illustrium Fa-  
 miliarum augustiora facere.  
 Sed ab ea annorum caligine  
 claritudinem petere, nihil ne-  
 cesse est iis, qui in tanta luce  
 versantur. Facile porro eorū  
 censum inirem, qui Domi,  
 Forisque præstanti laude flo-  
 rue.



( XIII )

ruerunt ; nisi præpoſteræ , le-  
visque eſſet operẽ , coram luci-  
diſſimo Sole , minoribus ſtellis  
illuſtrem Noctem non admi-  
rari modò ; ſed quẽrere . Atqui ,  
quamvis nõ quoquam oculos  
ALBANUS poſſet cõvertere , ubi  
nõ illi veſtigia domeſticę lau-  
dis occurrerent , non idcirco  
erat neſcius , obſoletas Majo-  
rum , & carioſas imagines , tum  
ſiqua ſunt congiaria , atque ſti-  
pendia , quibus homines For-  
tunæ ingenio obærari ſolent ,  
rem eſſe mutuatitiã , & eva-  
nidã , ubi ſola laudatur , ma-  
ximo tunc verò ſolùm in pre-  
tio habendam , cum inde ſub-  
ſidia parantur , atque inſtru-  
men.

mēta Virtuti . Hinc ille Æra,  
 hinc marmora , hinc Imagi-  
 nes , & monumenta sibi quæ-  
 renda esse constituit . Ex hoc  
 fundo assiduis,clarisque labo-  
 ribus irrigato eos abundè fru-  
 ctus à se capiendos , quibus  
 avitæ glorię Pomerium quàm  
 latissimè ampliaret . A qua  
 præstantissimi Viri Sententiâ  
 vehementer gaudeo me in  
 gradum restitui , aliena po-  
 tiùs circa ipsum , quàm ip-  
 sum quærentem . Neque verò,  
 dum iterum ALBANUM ipsum  
 inquirō , illam dico oris , &  
 totius corporis dignitatem ,  
 quæ effigiem animi supra  
 Fortunam positi prodit , e-  
 nun-

( xv )

nunciatque. Quod si Cœlestes  
Charites, ut est apud Hesio-  
dum, Regum vultus suis ma-  
nibus fingunt, illisque lumen  
quoddam afflant divinum,  
ut iis nature invitamentis eos-  
dem Populi ament simul, &  
vereantur, quid nostri Princi-  
pis specie dignius? quid libe-  
ralius? quid augustius? Vultus  
ingenuus, decora facies, acres  
oculi, status elegans, forma  
Regia, & nullâ parte non fe-  
lix; ad hæc illa proceritas cor-  
poris, quæ supra cæteros emi-  
net, vel, ut Populorum ani-  
mos gratiore vinculo flexa  
devinciat, ut nulla est in Iride  
major gratia, quàm quòd tam  
pul-

pulchra, tam elata terram extentis utrinq; veluti brachiis tangat, & amplectatur: vel, ut ab ipsa altitudine ad suorum defensionem fortior esse noscatur, quemadmodum editiora loca solent arces occupare, ut Urbes validiùs tueantur. Ab iis verò gratiam colligere non ejus est Viri, cujus longè sunt pulchriora animi lineamenta, quàm corporis. Et quoniam in Pueritia, tamquam in Speculo, natura cernitur, in eâ annorum teneritate singularem quendam amorem ingenuarum artium sic arripuit, ut se tunc primùm prodentis animi ardorẽ illum

( XVII )

mirandum in modum obstu-  
pescerēt ii, quorū curam sum-  
mā docilitate, atque alacrita-  
te ingenii invitabat. Infixam  
adhuc illi, atque inculptam  
animis gerunt erectam, & e-  
micantem indolem; quæ, per-  
inde ac Ver novum, reliquæ  
vitæ proventum spondebat  
uberrimum, & cujus admira-  
tio nihil humile, nihil exi-  
guum, aut mediocre, sed sum-  
ma omnia, atque præclara à  
tantis initiis expectari jube-  
bat. Equidem excellentis in-  
genii nilus nimio supra id eta-  
tulæ assurgentes, quædam pu-  
blicæ felicitatis elementa, at-  
que præludia facilè interpre-  
taban.

B

taban.

tabantur , neque porrò quidquam metuebant, ne se falsos habitura esset ea spes , quam ille certioribus argumentis in dies magis, magisq̃ue affirmabat. Isocratis est dictum, discendi cupidum multa discere : qua ego voce nego veriorē ullā emissam fuisse: Eam ille, alteramq̃ue Naturæ vocem, quæ cupiditatem omnibus gloriæ summam ingenerat, avidissimè combibit ; statuitq̃ue occupare eum florem ætatis, omniq̃ue solidæ institutionis fruge in animum veluti comportatâ, ad eas laudes contendere , quibus firmiori ætati dignitas, & com-  
men-

mendatio, Senectuti auctoritas comparatur. Non igitur splendido studiorum obtentu segne otium tegere: nam plerumque, ut quisque ingeniosissimus est, ita maxime laborem refugit, partemque ducit ingenii, ostentationem desidiae. Regiam insistenti honoris viam praestò aderat eximia memoriae vis, magnū utique ad Sapientiam compendium. Ea verò quàm sit illi obsequiosa, quàm non precariò pareat, quàm non in usum modò, sed etiam in admirationem splendescat, abunde commonstrat admirabilis vigor, mira celeritas,

summa felicitas, quam præse-  
tulit in tâtâ, quam ante Prin-  
cipatum sustinuit, commu-  
nium curarum cognitione,  
copiâ, varietate. Quo minùs  
mirari subit, ingenuarum cæ-  
tum omnem, nexumque di-  
sciplinarum certatim se ejus  
animo infudisse. Existimatis  
Græcas litteras omnis erudi-  
tionis, & elegantiae altrices  
unicas esse, iisque ipsos do-  
ctrinarum fontes contineri?  
At quantâ illarum intelligē-  
tiâ polleat, docent publico  
usui tradita monumenta, qui-  
bus nihil ad propagandam  
sæculi gloriam, nihil ad asse-  
rendam Græci sermonis di-  
gni-



gnitatem statuo esse præstantius. Eloquentiæ laudes, & mansueta Musarum studia requiritis? at præ validissimâ, dulcissimâque hujus dicendi ubertate, evilescunt aureæ catenulæ ex Herculis ore devolutæ: ut prætermittam nonnulla hujus etiam generis Posteris transmissa, quæ summo judicio elaborata ad aliorum etiam institutionem, regulamque proficiant. Nam Poëticas hilaritates quid attinet prædicare, cum in Musarum Contubernio, sinuque ipso feliciter adoleverit, nec postmodum nisi ab earum cantibus, aut graviorum curarum

allevationem peteret, aut severioris supercilii studiis gratiam, & ornamentum accerferet? Neque enim abnuerim nullam illum avidius doctrinarum partem, quàm Sacras litteras, & Divinarum rerum scientiam coluisse: Theologiam præcipuè facultatem, quæ, ut Homericus Tiresia, sola sapit; & quem in terras Cœlestem ignem non Prometheus aliquis ad exitium, sed ad salutem adduxit ipsa Divini Patris Sapientia, & Verbum. Neque eam solùm Theologiam dico, quæ, aut impeditos interioris fori nexus, causasque dijudicat; aut

ad

ad evertenda nova errorum  
portenta, externos hostes res-  
picit, impetitque; sed il-  
lam in domestico pulvere di-  
sceptatricem contentiosam;  
quâ nullum firmitus Religio-  
ni præsidium; cui subservien-  
tem Dialecticen, tanquam  
Herculis Clavam, meritò qui  
rem Catholicam perditam  
volunt, tantoperè pertime-  
scunt. Eâ solidioris doctrinæ  
frugè corroboratû ingenium  
ad Juris Pontificii cognitio-  
nem, sacramque illam Socie-  
tatis humanæ, pacisque tuen-  
dæ magistrâ, Jurisperitiâ  
impigrè advertit. Nimis avarè  
sentiunt de humanis ingeniis,

qui eadem nulum affirmant  
 factura operæ pretium , nisi  
 remisso reliquis facultatibus  
 nuncio, uni se tantum, eidem-  
 que penitus addixerint. Nam  
 contra reputando , quemad-  
 modum dissectio manus in  
 digitos non illam debilitat,  
 sed ad suos usus reddit expe-  
 ditissimam , ita cognitio ar-  
 tium plurimarum mentis acie  
 exacuit , robur intendit , ex-  
 plet aviditatem. Quò circa e-  
 gregius Adolefcens ad omnē  
 provocationem veræ laudis  
 continuò exarsit ; universæ  
 cum profanæ, tum sacre eru-  
 ditionis indagini non impa-  
 rem mentem appulit; & cum  
 nihil

nihil tempus de ardore , nihil labor de assiduitate remitteret , minimo negotio factum est , non modò , ut nihil tam esset perplexum , quod non intimè pervaderet ; sed ut nusquam suaviùs , quàm in iis studiis conquiesceret . Hoc nimirum illud erat , quod quicumque eum noscerent , ita laudarent , ut mirarentur , ita suspicerèt , ut nunquam commendare desinerent . Cumulabat commodè , gratiam nulla ostentatio ingenii , nulla doctrinæ jactatio , quod sciret esse à Doctorem elegantiam remotissimum . Quare cum æqualibus suis sic agebat , ut

à qu.

à quibus litterarum gloriâ secernebatur, cum iisdem se sermonis affabilitate , & vitæ consuetudine exæquaret. Neque enim secus ingeniis , atque spicis agrorum pondus inesse arguit ipsa demissio , elatio fallaces, atque inanes accusat . Minimè verò longum sermonem sibi deposcunt, in eo flexu ætatis illecebris opportunæ, illibati mores, quos nullis incitamentis à virtute detorsit voluptas, Siren illa in Adolescentiæ freto posita, quam qui semel intra muros, idest intra pectus admiserit, excusso rationis gubernaculo, deviis itineribus

in

( XXVIJ )

in omnem licentiam abripi-  
tur. Itaque ab eâ Biantis præ-  
scriptione nunquam deflecte-  
re ; piè ut sentias ; honestè ut  
loquaris : animum in potesta-  
te , Cœlestia solùm in bonis  
habere : laudis alienæ non in-  
vidus , suæ parcus esse : Ami-  
citas , non quæ dulcissimæ es-  
sent , quærere ; sed ita affi-  
ci , ut quæ honestissimæ es-  
sent , duceret jucundissimas .  
Quem talibus , tantisque in-  
genii , disciplinæque præfidiis  
ad summum fortunæ cultum  
natura genuerat , ratio forma-  
verat , voluntas incenderat ,  
nefas erat ultra privato otio  
delitescere ; sed ad Reipubli-  
cæ

( XXVIIJ )

cæusus, & commoda, tanquam in Arce Minerva Phidiæ, extolli, consecrarique debuit. Cum enim à tot animi ornamentis clarissimus esset, latere non potuit; cum publicæ utilitati, Romanæque Sedis gloriæ longè additissimus, non debebat. Præsertim cum suopte ingenio nihil ipse delectaretur lucifugâ quâdam Sapientiâ, quæ intra parietes, ut Cynicus ille Lucernarius intra Dolium, conclusa, sibi que soli nata, nihil emolumenti in commune confert; nihil ad Reipublicæ commoda foras derivat. Vos autem beatissimas  
Ur.



( XXIX )

Urbes meritò duxerim, Vetus, & Reatina; te, Sabinensis Provincia, felicissimam, in quas jus, & imperium obtinuit; quas, veteris verbi memor, Magistratum virum ostendere, sanctissimis legibus temperavit. Vos certissimis testimoniis confirmate Prudentiã, Æquitatem, Moderationem, in quarum Virtutum Insignibus longè splendidiùs, quàm in virgis, aut Liçtoribus Majestatem circumtulit. Narrate probitatem, fidem, non labefactatam Amicorum gratiã, non muneribus, suavissimo ariete, oppugnatam. Dicite in cognò.

gnosendis causis diligētiam ;  
celeritatem in expediendis ;  
in dirimendis integritatem ;  
Cādozem, Honestatem, Re-  
ligionem in consilio habitam,  
non privata quædam com-  
pendia factitanda ; ad quæ se  
demittere, id enimvero est,  
Justitiam artem facere , om-  
nemque Præfecturæ digni-  
tatem proterere , atque pes-  
fundare . A quibus ille inqui-  
namentis intantum abhor-  
ruit , ut non obscura liberali-  
tatis, atque clementiæ vesti-  
gia reliquerit ad memoriam  
earum Urbium sempiternam.  
Siquidem , ut missas faciam  
tot ingenuas familias, tot sub-  
leva.

( xxxi )

levata Pietatis publicæ Dom-  
micilia ; cujus obsecro, beni-  
gnitatis fuit, reis, qui causâ  
exciderant in forenfi Judicio  
tantundem è privatis rationi-  
bus impertiri, quantum illis  
judiciali sententiâ periisset?  
Diditâ earum rerum famâ,  
in hanc Urbis lucem evoca-  
tur; ubi eum publica expecta-  
tio non modò ad purpuram  
Senatoriam, sed ad Summæ  
Majestatis, & Religionis pul-  
vinaria destinabat . In hoc  
amplissimo Orbis Theatro  
quam mox, exaggeratâ qua-  
dam animi magnitudine, om-  
nium Ordinum animos oc-  
cupaverit, notius est, quàm  
ut

ut à me lucem expectet : Hic  
 verò qui predicationē meam  
 suis de tantâ Viri præstantiâ  
 judiciis longè non superet, vi-  
 deo neminem. Rarissimi E-  
 xempli est , vel optimum  
 quemque publici Consilii  
 Authorem, atque participem  
 inoffenso cursu industriam  
 suam probare multis conti-  
 nenter Principibus, moribus,  
 ut assolet, ingenioque diver-  
 sis. At, quem INNOCENTIUS XI.  
 Apostolicis litteris exarandis  
 præfecerat , eidem Summi  
 Pastores in hujus locum suf-  
 fecti non modò eam dignita-  
 tem, quoad illis vita suppe-  
 tit, ratam in posterum, fir-  
 mam.

( XXXIIJ )

namque esse voluerunt ; sed clarissimis illum honorum accessionibus illustrandum putarunt. Nam quòd ALEXANDER VIII., cum de supplendo Senatorum Collegio cogitaret, nihil antiquius habuerit , quàm ut ALBANUM maximè in eum Ordinem referret ; isthuc scilicet præcipuum, maximumque statuo ejus Pontificis operum, cujus annos in Principatu exactos latè fallitur , qui aliter, atque trium Horatorum virtutem æstimat : ut enim hi magnorum exercituum animos, ut est apud Livium, soli gerebant ; ita anni illi perpauci multorum fructus æquant, obscurant gloriam

C

seculu.

( xxxiv )

sæculorum. Perspectâ habebant  
sapientissimi Pontifices summâ  
Viri in pertractâdis animis dex-  
teritatem, in captandis oppor-  
tunitatû articulis solertiam, in  
dubiis providēdis casibus saga-  
citatem: laboriosum in negotiis,  
in periculis fortissimum, in cō-  
siliis ex tempore capiendis mi-  
rè felicem compererant. Ani-  
mum tanquam in statione sem-  
per erectum, indefidem ope-  
ram, quæque rebus arduis con-  
spectior enitesceret, fidem, in-  
tegritatem, cui ne livor quidē,  
in oculatissimâ præsertim Civi-  
tate, labem aspergeret, non ob-  
scuris experimentis didicerant.  
Ad hæc, veriùs, quàm de Tibe-  
rio

( xxxv )

rio dictum, negotia pro solatiis habere; tot tantisque gerendis rebus, unum sufficere, ipsum privatim omnia, singulaque curare, dispicere, non alieno intellectu, aut mercenaria Sapiencia indigere: Apud Reges singulari existimatione; apud exterarum Nationes celebritate Nominis abunde pollentem esse. Mitto autem de hac Urbe, Curiaque dicere, in cuius oculis Principum humanissimus ferebatur, in cuius ore divinarum ejus laudum preconia habitabant, nec committam, ut in re apertissimam videam esse sollicitus. Non tam preclare agitur cum rebus humanis, ut qui gravissimorum

G<sup>2</sup>

mune-

munerum administri summum  
 apud Principes gratiæ locum  
 obtinent, reliquis eâdem operâ  
 arrideant: sive odiosâ adversus  
 æquales potentiâ, & crimina-  
 tioni obnoxîâ; sive ingenio  
 multitudinis, cui nihil diffici-  
 lius, quàm prodesse, & placere.  
 At juxta mecum omnes intelli-  
 gitis, in ALBANO tot, tamque  
 præclara judicia Principum cū  
 reliquorum studio contendisse.  
 Pervicit hoc ille excelsâ quadâ,  
 Cœlestique virtute, quâ invi-  
 diam domuerat; incredibili mo-  
 rum suavitate, quâ amorem  
 publicum provocabat. Quam-  
 obrem vix ullæ erant causæ ope-  
 rosiores, quàm ut vulgaribus  
 con-



( XXXVII )

confiliis expedirentur, de quibus non ad ipsum omnes referrent ; raræ intèr Patricios disceptationes, quas Arbiter honorarius nō dirimeret, id etiā consecutus ingenii comitate, & opinione Sapientiæ, ut eos ipsos, cōtra quos sententiā tulisset, equos, pacatosque dimitteret. Quibus aut perturbatæ domesticę rationes, aut susceptæ cum aliis similitates erant, in ejus sinum fidespectatissimum querelas omnes, angores, sensus intimos effundebant. Nihil erat, quod à conjunctissimis sibi quisquam polliceri posset, quod nō promptius ex hujus humanitate, & studio consequeretur. Ejus au-

( xxxviii )

thoritas apud omnes salutis  
Ara habebatur; Domus, com-  
mune in rebus arctis perfugiũ;  
Vox, Oraculum Civitatis. Nul-  
lo autem genere Officii impen-  
siùs capiebatur, quàm ut eorum  
conatus juvaret, in quibus esset  
aliqua non alieni à litteris inge-  
nii significatio; quarum Candi-  
datis quotidie ejus limen obfi-  
debatur, implebantur Atria;  
Fores impellebantur. Iis non  
modò authoritatem, nomenq;  
suum commodabat; sed profu-  
sis etiam largitionibus eorum  
inopiæ occurrebat, ut ab egesta-  
te, & squallore possent emerge-  
re, nec illiberalem quæstum cẽ-  
ptarent: quorum ut pudori con-  
sule-

( xxxix )

fuleret, ipsas supplicum preces  
interpellabat; quas nempe sci-  
ret apud se nec, si honesta pete-  
rentur, necessarias esse; nec, si  
injusta, efficaces. Licet autem  
à publicis curarum oneribus di-  
strictissimo confertim obstre-  
perent, in ædes, imò verò in  
animum omnes admittere: Nō  
magnitudinem negotiorum,  
non occupatam operam excu-  
sare; sed, ut est factus ad inge-  
nium humanitatis, comiter ap-  
pellare, benignâque oratione  
delinire, ut saltem spem bonam  
in Consilium referrent, nequa-  
quam oportere ratus, quemquā  
ab alloquio Principis tristem,  
ut agebat ille, discedere. Taci-

lum tibi, Græcia, optatius signū  
 eximiā ejus benevolentia, ad  
 fortunatē, beatēque de veteri  
 Doctrinā, atque Religione spe-  
 randum, video esse sublatum.  
 Nunquam Septentrio avitæ  
 Pietatis flāmis magis incaluit,  
 quā cum ille nobilissimum  
 Sveciæ Regnum patrociniō cō-  
 plexus, amoris in illam sui spi-  
 rantia quædam pignora in le-  
 ctissimæ Juventutis egregiā in-  
 stitutione palam exhibuit. Eam  
 Principis humanitatem, omnes-  
 que demerendi studium mirē  
 Familiares omnes ad Domini  
 exemplum compositi exculpse-  
 rant. Illos nimirum ita institue-  
 rat, ut quamvis generis clarita-  
 te

( LXIIJ )

ejus gestorū claritudine , atque splendore sibi pretiosissimum Censum , longè amplissimum Patrimonium, easque opes esse, quæ non incendio , non prædonibus, non naufragio perire, non annorum longinquitate imminui , aliòque transferri possunt . O dignissimam eorum vocem , qui Summo Principi Sanguinis conjunctione proximi, eidem se adhuc proximiores ostendunt Cælestis animi imagine , tantæque imitatione virtutis ! Hæc nimirum summa decora fuerunt in causa , ut in postremis Comitibus , tam constanti Senatorum suffragatione JOANNES FRANCISCUS CARDINALIS ALBANUS gubern-

na.

( XLIV )

maculis publicæ salutis admove-  
retur. Video cupidè expectari à  
vobis hunc locum, qui certè la-  
tior est,quàm ut illum hac tem-  
poris exiguitate percurram. Al-  
ter ab initis Comitiiis mēsis age-  
batur,cum Romę vultus repen-  
tino pallore decoloravit vulnus  
illud toto Europeꝝ pectore acce-  
ptum, CAROLI II. Hispaniarum  
Regis interitus:quâ unius mor-  
te ingentium bellorum clades  
æquari non obscurum iis erat,  
qui non numerarēt quem amit-  
teremus Principem, sed æstima-  
rent. Quotus enim quisque erat,  
ad quem ille dolor non pertine-  
ret, cum in tanta Regnorum  
perturbatione,ne hunc quidem  
Olym.

( XLV )

Olympi verticem cogitarent  
erupturi turbinis expertem fu-  
turum? Meministi, Roma, ejus  
diei, cum sordidata luctu, metu  
perterrefacta: Sed nolo faciem  
trepidæ Civitatis, nolo summâ  
tristitiam ob oculos ponere.  
Quin eò solùm istud dictum  
volo, ut vos ab illa tempesta-  
tate, & caligine ad aspectum  
novi exortis Sideris, imò verò cla-  
rissimi Solis alliciam. Matura-  
vit siquidem ea res electionem  
Principis, qui perdifficili Rei-  
publicæ tempore non imparem  
mentem afferret tot sustinendis  
laboribus, quot esset haud du-  
biè in Principatus dotem, acer-  
bissimam quidem, sed necessa-  
riam

riam accepturus . Erecti , præ-  
 sentisq̃ue animi Virum designa-  
 re, & ALBANUM eligere, ejusdem  
 consilii fuit . Neque enim do-  
 cendi erant Senatores , quibus  
 doctrinæ , quibus experientiæ  
 subsidiis fultus esset : quàm illi  
 explorata essent , atque com-  
 perta arcana intima latissimi in  
 Terris Principatus ; quem non  
 secus à Principe cognoscendũ ,  
 quàm Fabulam ab Histrioni-  
 bus, Testudinem à Cytharedo,  
 non inscitè monuit Aristides :  
 Nam ipsa tempora poscebant  
 Principis ætatem integram, qua  
 fiebat unicè , ut illum concupi-  
 scerent magis , quàm sperarent,  
 qui rem ad calculos recepti mo-  
 ris



( XLVII )

ris revocantes, humanis momē-  
tis Divina consilia expendebāt.  
Nihil igitur moræ interponen-  
dum duxerunt, quo minùs pri-  
ma suffragatione ad summum  
fastigium extollerent eum virū,  
cui publici commodi rationes  
omnes præstò essent, obsisterent  
nullæ. Obsisterent nullæ? O spes  
mortalium incertas, atque fal-  
laces! O pulcherrimi consilii im-  
portunissimum hostem! O desi-  
gnationem dignissimam, quo  
minimè metuendum erat au-  
thore prope convulsam! Scio,  
me vos non tenere suspensos:  
ALBANUM ipsum loqueris, dici-  
tis; isthuc jam pridem novimus.  
Novistis equidē: Sed, quod vos  
late.

( XLIX )

rò commemorem, quo pacto  
ad fociorum prope genua acci-  
deret, ad infimas obtestationes  
procumberet, complecteretur,  
oraret singulos, ne sese, Rem-  
que publicam in casum darent ;  
ne artes suas, & colorem fortasse  
virtutis aliquem in laudem tra-  
herent : ab aliis potiùs longè di-  
gnioribus undique ingruenti-  
bus in Ecclesiam calamitatibus  
validiora subsidia peterent: o-  
mnes in id argumentorum co-  
pias cogeret ; omnes machinas  
admoveret. Dixerit hæc aliquis  
ad officiosam concertationem,  
urbanitatemque spectare. Sed  
neque illa admodum persequar,  
ut molestissima destinatio fortè

(L)

Virum in morbosum lāguorem  
dederit : utque , cum nihilo se-  
gniùs Patres propositum urge-  
rent, in affecto corpore validior  
animus tres ipsos dies, noctes-  
que multiplici congressu cly-  
peum non abjecerit , tantâque  
obstiterit orationis , vultusque  
constantia , ut Sæculum fortissi-  
marum Urbium expugnationi-  
bus insignitum nullam ejus pe-  
ctore Arcē viderit , aut laborio-  
sius tunc obsessam, aut postea  
lætiùs expugnatam. Hæc etiam  
scilicet modica in illo fuerint,  
atque vulgata, quæ summæ vir-  
tutis apud alios haberentur. An  
non illa supra omnem fidem as-  
surgunt ; indictas eo nomine

Sup.

( LI )

Supplicationes in Templis? vota  
suscepta? doctissimos viros in  
consilio adhibitos, qui obniten-  
ti Religionem injicerent, ne pu-  
blicum votum remoraretur?  
Quo piaculi metu obstrictum  
animum, quid supererat, nisi ut  
ad extrema consilia adigeret?  
Cujusmodi autem illa fuerint,  
horret animus levissimè cogita-  
re, nedum studiosè moliri: fu-  
gam circūspicere è Comitii se-  
ptis, si alicunde posset, demisso  
per fenestram fune, Summi Cē-  
lites vestram fidem! splendidis-  
simus evadere Fugitivus. Video  
vehementer vos cōmoveri tam  
solidâ, tamque inauditâ laude  
constantiæ: in hujus scilicet so-

cietatem non sese offerunt temporarii naturæ impetus : nihil ex hac laude urbana comitas, nihil meditato consilio quæsitus verecundiæ color, fucusque decerpit. Scitis, nullam esse tam elaboratam fraudem, nullam tam operosam nequitiam, quæ huc procurrare, & simulationis personam sustinere tamdiu possit. Non habet hos nervos, non has vires exerit brevis illa, & elanguida, quæ ambitioni quandoque servit, larvata demissio. Harum porro rerum tametsi Senatores ipsi graviores testes adsint; quàm ut assentatiunculæ cujuscipiam suspicionem vereri possim; eadem tamen ab omni in-

( LIJ )

volucris metu afferebat Princeps ipse, apertus animi, cujus Oratio ex intimo sensu colorem duceret, ac generosior, quàm ut mentem accomodaret versutiis, technisq̃ue, quas Ancillis solùm relinqueret, ac Servulis Comitorum! Nihil quippe minùs, quàm ad Aulica integumenta natus, vultum ad ingenium naturâ, non ad speciem industriâ conformare didicit; nec, ut est apud veterem Scriptorem, aliud clausum in pectore, aliud in lingua pròptum habere. Dum hæc agerentur, in exitu erat annus Sæcularis, cum, summâ Expiationum celebritate, humano generi hospitalem sinum Roma

laxavit. In tantâ convenarum, advenarumque frequentiâ, quâ-  
 tam non antea quisquam me-  
 minerat, Urbis visendæ studio,  
 huc etiam confluxerunt, vene-  
 no depravatæ Religionis imbu-  
 ti, multi mortales. Utinam mi-  
 hi esset integrum, eos homines  
 ubique disquirere, undique ex-  
 cire: in unum globum cogerem  
 Universos; iisque associatus Va-  
 ticanas Ædēs rectâ peterem;  
 postremò referatis augustissimi  
 Comitii postibus, hujusmodi  
 arcanorum avidissimos in ip-  
 sum Lararium ferendis suffra-  
 giis constitutum inferrem. Agi-  
 te verò, tunc dicerem, & ocula-  
 ti Testes otiosè perpendite hoc  
 om.

(LV)

omne iudicium, quod omnium gravissimū jure censetur, apud vos verò fēdissimum in modum traducitur. Quantum, quæso, Salutationum, quantum Officiorum expectatis in hoc tam amplo, tamque sublimi Candidatorio fungendo munere? At Candidatus ante Aram devolutus in genua, pectus, atque ora singultu quatiens, sublatis ad Cœium palmis, demisso in terram capite segniter obmutescit. Ubi ambitus? ubi prensatio? ubi Comites? ubi Laudatores? ubi, ut inquit ille, omnia serviliter propter dominationem? doce-te, quem ambitiosus appellet comiter? quem sollicitus demisse



(LVI)

rogitet ? quem callidus salutet  
officiosè ? Mira consensione,  
universi Senatus Supremus Sa-  
crorum Arbiter salutatus omni  
collatæ Dignitatis jure se abdi-  
cat ; rē integrā ad Patres rejicit,  
utq̃ue novæ suffragationis Au-  
thores essent incredibili eosdem  
demissione, ac firmitudine ob-  
testatur. Demum intentato, in-  
cussoq̃ue veluti telo Religionis  
obstrictus, ita submisit animum,  
ut nihil in vitâ graviùs tulisse, &  
ipse fateretur, & nemo unus am-  
bigeret. Non ignoratis, opinor,  
illud Senecæ effatum : durum  
verbum ; Rogo. Accipite ve-  
rò longè pulchrius documen-  
tum à Pontifice designato : du-  
rum

(LVII)

rum verbum ; Accepto. Legi-  
stis de Rege Thæbano scrip-  
tum ad ostentationem ingenii,

— *pœnas, & quidem feret graves,  
Regnabit.*

Legite autem in CLEMENTIS  
vultu ingenuam confessionem  
summi doloris , quo gloriæ suæ  
infestissimus ita animi angitur ,  
ut præ se Victimæ potius , quàm  
Sacerdotis , & quidem Summi ,  
speciem ferat. Et quidem quam-  
diu contra omnium vota , velu-  
ti contra torrentem , brachia di-  
rexit ? quàm laboriosi moliminis  
fuit minimè dedititium pectus  
pervincere ? planè ut pateret , ni-  
hil ab illo magis ex despicientia  
fa-

(LVIII)

factum esse ; quàm imperare .  
Cajus Figulus, Consulatus re-  
pulsam passus , cum postridie  
Romani Cives, consulendi cau-  
sâ, ad ipsum venissent ; Facessi-  
te hinc, dixit, Quirites; Consu-  
lere scitis; Consulem facere, ne-  
scitis . Audite nunc longè di-  
versam Orationem Pontificis  
non quemquam juvare consilio.  
renuētis; non Reipublicæ priva-  
tam operam sedulò impendere ;  
non laboris conditionem ullam  
detrectantis ; profitentis verò,  
honores se solùm suos , solùm  
Principatus gloriam abnuere ,  
refugere, perhorrescere. Quòd  
si vos ad aliquos saltem Menses  
in Urbe subsistere rationes ve-  
stræ

stræ finerent, perpetua à susceptis Principatus Insignibus Pontificis ægrimonia doceret vos, hanc Orationem non in ore ipsius, sed in corde nasci; verèque animi internunciam esse. Quæ verò præterea immortalia decora suspiceretis! Nihil consilii, nihil operæ prætermissum detergendis maximorum Regum odiis, stabiliendæque inter ipsos concordia: conscriptas Armatorum copias, tutandis finibus: firmiore magistratu sublevatam in gravescentem Annonam: Expiandis animorum noxis publicè præbitas in Templis aures: in Xenodochiis demissam Majestatem ferculis ministrandis:

In

( LX )

In Valetudinariis suprema pietatis Officia è Catholico ritu à vitâ decedentibus perfoluta : Cujus quidem demissionis exēplo è vestro numero Fidei desertor, ejuratis Calvinì Castris, ad nostra signa revolabit. Quo magis vos etiam equum est Sanctissimos illos pedes amplexu, & lacrymis occupare: ad avitam Religionem respicere, & ex errorum vepretis, ac saltibus ad amantissimi Pastoris Pascua, Caulasque cōcedere. Ite autem, & talibus acceptis documentis, vestro in patriam reditu, aut os occludite Pontificii nominis hostibus: aut lucem in vos ex hoc Vaticani Culmine derivatam, latè

(LXI)

latè illis, quod bene vertat, af-  
fundite. Tu verò, Sanctissime  
Pontifex, CLEMENS XI.  
Salve multùm optatissime. Quā-  
quam verò nihil magis invitus,  
quàm verissimas tuas laudes au-  
dias, licet immortalium deco-  
rum tuorum prædicatione non  
movearis, tam fingulari tamen  
exultantis Urbis gaudio, tā inu-  
sitata exterarum gentium gra-  
tulatione, tam constanti bono-  
rum omnium de tua Cœlesti  
virtute iudicio non potes non  
magnoperè delectari. Utinam  
autem fecisset Deus, ut mitiora  
tempora nactus esses: sed pau-  
lum illa turbari divini facilè cō-  
silio fuerit, ut tu eadem summā  
cum

( LXIJ )

cum gloriâ mitissima faceres. Verùm à te ipso optatissimæ serenitatis auspiciū capias. Collige ab intempestivo mærore animum tuum; quem omnem planè deterferis, si de te minùs demissè, idest magis verè senseris: si in tua incolumitate salutem publicam, Orbis felicitatem contineri judicaveris. Quod autem solùm in te conferre nostrum hoc, imò verò tuum ingenuarum artiũ Domiciliū potest, ex animo Deum precamur, ut Consilia tua omnia, cæpta, cogitata bene, feliciterque proveniant: ut divinæ Virtutes tuæ amorem subditorum obtineant; amor securitatem

pa-